

№ 47 (1298) Ас потты 22 хатд 2025 тад

Айдат ёх уйтантопса верыдыса

Там дапатан Новый Уренгой вошан Овс мув шимдаң мир хоятат айдат ёх «Российский Север» форума яха актащсат, дув Росмолодёжь. Форумы платформайн манад. Там уйтантопса «Молодёжь и дети» национальной проектан постаман уд.

Нядъяң педа вет мув суң эдты сот вет хоят пидтащас. Тампуш щёрас модтас хоят там уйтантопсая ёхатты ураңан нэпек китыдыйс. Хольмаң модтас мир рут эдты ясаң шавиты па едды туты, шоши мир удапсайн удты, СВО хоща яңхидыты, касты харатан юращты, рут ясңа няврэмат утадтаты, промышленной компанияятан рупитты, «Движения Первых» хоща доңам хоятат ёхатсат.

Ихощъян тада щи йис, хоты Овс мув шимдан мир хоятат энамты няврэмат ияха актыдыдайт. Тампуш мет водан рупата туты щира Ямал мув эдты удты Сержии Кельчина понман уд. Хонна Аргентина мув эдты Лукас Гарсиа ёхтас, дув Аргентина па Ямал мувнан духсана удты щира Международной клубан рупитад.

Мет одаң хатадан ход «Сова» нэмпи арт-резиденцияйн акатсайт. Там уйтантопсая вохам кущайт ищи ясаң вуйдысат. ЯНАО губер-



натор даңкар ху Сергей Климентьев ястас, хоты Россия доватан папуш аратад мирэв духсаңа удты Тада постаса. Щи тумпийн, ун кер тыдащ хольманмет хатадан па щёхар тыдащ нийдмет хатадан, РФ шимдан мирата постам еман хатд па рут яснаң Хатд постаты питдув.

Айдат ёх там хатдатан утадтадайт, хоты постам верат паты

унты туты мосдат. Рут ясаң едды туты па шавиты ураңан муй хорпи рупата вертыя. Энамты няврэмат хоты сахат мосты проектата хущтыя. Арктической медиапроектат этадтыты тахайн АНО «Ямал-Медиа» эдты щий «Ямальский меридиан» куща Ефим Хороля па «Неко, ответь» туты нэ Некоча Окотэтто мантсанан.

Ма нумастэман, айдат ёх ураңан верыдыты тамащ уйтантопсаят шеңк мосдат. Ванты, хун дув юрэд па щёмед этадтыты питщадыдат, щи юпийн кащададайт, удапсаед тадаң тэдан ям па туң юш хуват манты питад.

Аллина Тоярова ханшам потар

Северной многоборье Кубок России Ямал мувна туда

Хабаровск васна Ас потты тыдащ 12-мет хатд эвадт 16-мет хатд маса северной многоборье хуват Кубок России манас. Ямал мув команда командной зачётна алаң таха вусат, щи томпына, мета маса щирэд мевад пос сытсат.

Щиты, Юрий Лаптандер Приуральской район эвадт тынщанад 224 пус вощкасды, щи онтасна яхат кутна алаң таха сытас. Киметты па Артём Окотэтто этас, дув ищи Приуральской район эвадт ол.

Холна йи сарнең мевал пос команда ораңна Юлия Молодых тус: охал соппы наварты тахайна — 500 пус навармас. Щитна ныңат кутна дув алңищ этас.

Щел ох, охал соппы наварты тахайна Эдита Ламдо сытас, щирд зачёт хоща холмет тахайна этас.

Вера Лонгортова хансам потар

Удапсаев кенашак верты ураңан

Хащам ятан шеңк ар потарда па щи кеша ядап программайт вердайт, хота искуственной интеллект рупитад. Россия Президент Владимир Путин ястам щиран, 2030-мет тадн ИИ онтасан Россия экономика 11 триллион содкувая энамты верад уд.

Хащам ятан ин антом туп компанияйт кутдадан касдат щи вер щиран, аратад хон муват. Муң хощаев «Сбер» па «Яндекс» мув доватан шеңк мосмаңа тайдайт. Россия аратад удапса ямашак верты ураңан БРИКС па ШОС хоща доңам хон муват пидан такан рупитты питад.

Едды хатдатан нумасда айшак АЭС артан верты. Ин арпелак рупата лотат искуственной интеллект доңаддат.

Аллина Тоярова ханшам потар



Уталтыты верат элты потар манас

Округ департамент куся нэ Зоя Чернышева тад сыс верам рупата эдты прессконференцияйн потар тус. Си тумпийн ясаң верас, хоты ядап тадан рупата манты питал.

Муй мет водан тампуш ус

Тампуш округ няврэмат вет тад сыс Хон мув олимпиадаятан одаң пуш хон мув регионат кутан ветмет таха кута этсат. Хутъяң таха эдты нох питсат. ВсОШ хасям этап эдты ихосьяң нох питам па худамхосьяң призёр дипломат тусат.

Кимет тал округеван олимпиадайт хасям ят маныдыйд. Новый Уренгой вошан Россия нийдъян педа худам регион эдты 447 пох па эви химия предмет хуват кассат. Округев эдты дапат няврэм ус. Дапат тад сыс одан пуш муң похев Ильяс Каримов Губкинской вош эдты призовой тахая этас.

2026-мет тадан Хон мув олимпиада физика предмет хасям ят Ямал муван манад. Там тыдасян ястада, муй вошан няврэмат уйтантылат.

2024-2025-мет тадатан ЕГЭ маты няврэмат кутан 275 няврэм ар балл шитас, хольман педа хут мет ар балл акапсат. Катсот педа дапатъян выпускник уншак классатан уталтыты няврэмата маты сертификат хуват уталтысат. 72% участник ярсот модтас балла этсат, яртъян – стобальник ус.



Няврэмат утадтаты хоятат кутан там пуш худам хоят нох питас. СПО России касапсайн «Туризм и Гостеприимство» специальность хуват Михаил Иванов Пулнавт вош эдты мет водаң утадтаты хоята пирыса. Округев одан пуш симась касапсайн одан тахая этас. 2026-мет тадан хон мувеван няврэмат уталтаты ёх хасям ята Ямал мува ёхатдат. Ходна кат ху няврэмат утадтаты водаң хоятат кута этсаңан.

Там тадан водан верат кутан Новый Уренгой вошан кимет округев хуват «Лаборатория» няврэмат утадтаты хар пуншса. Ядап ашкудайт омасдайт.

Муй рупата ядап тадан манад

Ядап тадан кашң округ ашкудайн, одаңмет класс эдты колледжат, вузат унты, уталтыты эвет па похат ураңан матричной уталтыты система дэсятда. Рупата хут направление хуват манад: математической, естественно-научной, гуманитарной, творческой, патриотической, компьютерной па робототехника. Дув ход основной па дополнительной уталтыты верат яха пилтасьдат. Няврэмат аршак олимпиадаятан, арсыр уйтантопсаятан, стажировкаятан, профильной сменаятан касты па дувидад эталтыты верытдат.

«Профессионалитет» федеральной проект хуват округ колледжатан уталтыты няврэмат ТЭК хося удты профессияйт шитты верытдат. Новый Уренгой колледжан спецтехника полигон па нядсот местайн общежитие уталтыты няврэмат па уталтаты хоятат ураңан пуншман питдаңан.

Няврэмат уталтыты хоятат па нётлайт. «Учитель Ямала» ядпитам грантовой программа едды туда. Дапатъян педа нийд – йи миллион па йи миллион ветсот сёрс солкувайн грант дэсятса. Ход, хой няврэмат пидан рупитдат, ядап система хуват рупатаед ураңан охан сохаптаты питлайт.

> Альбина Тырлина ханшам потар

Няврэм сирн удты нэңат мойдапсайт шитсат



Ямал муван няврэм сирн удты ветсот нэ мойдапса хошапан мойдаптасайт. Тыдась модтас, хоты си мойдапсайт маты питсайт. Дарасята хольман педа нийд пормас дэсятман уд.

Аңкия йиты нэңат округ леккар хотатан симась хошапан мадайт. Кашң нэ, хун хольман педа кимет даптад манты питад, симась пормасат шитал. Нэңат, хой няврэмал сэма питты едпийн, хон мув па вош леккар хотан уддат, си нётопсайт па ёша пайтдат.

«Ямал мув аңкия» дэсятам мойдапса

дарасян одаң хатдата няврэма мосмитты пормасат, аңкия леккар хотан думатты ернас, ходна кат дыпи тайты ернас, венш муңхты сохат па па пормасат акатсайт.

Нэңата дэсятам мойдапса ведси сэма питам няврэмал ураңан «Малышу Ямала» мийдыты дарасян катдаптаса. Си нётопса округеван 2019-мет тал элты мийлыла. Си пора элты нядъяң педа дапат сёрс мойдапса хошап ведси сэма питам няврэма маса.

> Альбина Тырлина ханшам потар

Худ ведты ях ораңна йидап мерайт

оранна субсидия вудамда. Йи тонна оранна маты ох нятапсы 13% аратна энмал па 136 щёрассы хайд. Щимащ партапсы ядап тад тыдащ 2026-мет тад эвадт ропытта питад.

Ясна пайтты субсидия эвалт 60% кем худ ведты ях эдты па социальной взнос ораңна сохаптата масдат. Щимащ нятапсы эттал ораңна, Ямал мув губернатор Дмитрий Артюхов партам щирна ропытты группа актылыса. Дув дуң хуват хул ведты ях пидна уйтантысат, па айкедат акатсат, мала хорпи нятап дувидал масд.

«Мун ропатаюна мет такан там холам условие вантман тайду. Мет алаңна, щит Ямал мув мур нэңху худна дэщатта, кимет,



худ ведты ях сытты охэд тарамман олта масд, холмет па, худ ведты мера томпына ант лоңта, нявремду эдты худ ищи хыщта масд», - ЯНАО АПК департамент коща Андрей Рубашин лавас.

Шимдан мир худ ведты ях вахам нятапсэт эвадт тадаң комплекс мера акатса. Щиты 2027-мет тал эвалт хул велты ораңна заявка мата ант маста питд, квота худ ведты ях кутна йи аратна арта питда. Итта щимащ квота мощатты ораңна щёхар тыдащ алаңмет хатд маса заявка папус дуң педа мата масд, квота датд хаттэд ораңна щирдщирд артса.

Щи томпына, Ямал мув агропромышленной комплекс департамент Росрыболовство хоща нэпекат китас, хата вахлат худ ведпасдаты пормасат арамтта.

Вера Лонгортова хансам потар

Айтэдан туса верантты хоятңан

ван хатдап тыдащ дапатмет хатд унты шиядаты рахад. Егор па Роза Наковнан кинамтак ханты щиран улты хоттэднанан энапсанан, айтэдан верантты верат хоща катдантыты хошдаңан. Щи каркам хоятңан ар пуш регион, Россия, па па хон муват проектата верантты ёх кутан пидтащисцан, ар пуш нох питылыснан, Хор: Альбина Тырлина щи ураңан ар ишак нэпек, мойдапса тайдаңан. Туса верантты ху Егор

эдты тамиты ястад: «Ма нумастэман, ай мохидув утадтаты вер едды туты мосад. Дув ин вошатан уддат, хота верантты ёх вантдат, ход рупитдат, юх хоща катдантыты кум ант шитдат. Ма хоты айтэдан ун ёхдуван юх, оңат хоща катдантыты уталтысайм».

Ийимед Роза Тимофеевна ищи верантты вер хоща шеңк каркам. Дув Ямал муван тусал яма уйтты тумпийн, Российской Федерация народной мастер нэм тайд. Щи тус нэ арсыр пормасат эдты верантты хошад: шащкан, вуды сох, нуй, нюки, тонты иса дув ёшдадан умащ пормасата тыйпдат.



Егор Егорович Наков хуван ханшийн хорапдадды.

Хащам ятан Канащ пухадан шеңк умащ вантопса дарпитса. Йи хоттэл хоятнан Егор Егорович па Роза Тимофеевна Наковнан ханты йис щиран дэщатам пормасат этадтаснан. Вантопса пуншам хатадан дын рутдан, духасдан па удтан хуват и вер яха едды туты мохидан мойдапса ясаң ястаты курта ёхтыдысат, хорам пормасат умащлысат.

Щи умащ вантопсайн сот модтас туса ёшан верам пормас эдпа понман уд. Думатты ханты сохат, вой, худ ведты, вуды шавиты пормасат, няврэм ёнттотат, анат, путат, нарасъюхат па арсыр пормасат Канащ пухадан

дув камн хорам от верыдыйд: ханты хуванат, дыйт, пасанат, вератал, энамты рутлал, похал уталтал.

Хорама верантты ху щи верат


«Там вантопсайн икем пидан эталталман, хоты ханты хоятат катра усат, ин уддат. Тата понам пормаслув хуват ныда, муй хорпи пормасат муң мирэван йис пора


эдты усат, там пора унты уддат. Тата ходна антем ёнтам вайнан удданан, дын нупатлын лапатъян тада йиснан», - Роза Тимофеевна ястас.

Шеңк каш щимащ хоятат верам вантопсая янхты, иса молты верты ядап щир шиядаты рахад, катра щиран верантты верат эдты худты, модтыя уталтыты. Щимащ хоятат ханты мирэван иса ат уддат,

няврэмдув дув педайд вантман, хантэт тайм пормасат, щират ант ат ёрэмадат.


> Валентина Рохтымова ханшам потар







Там QR-код хуват донаты па вантаты, муйсыр нётопсайт СВО хоща удты мохета мадайт. Щи тумпийн нэңдада, няврэмдада, аңкидада па ащидада ищи нётопса вуты рахал.





Юраң па ойң ханты нэңие

Кашң порайн нумасдам, муй хорпи мутрайң ханты хоятат усат. Катра нэмодты порайн атэд шукасьты хасям няврэмат па тахаята, няврэм хайты хотата ант мийдысайт, рутдадан вуйдысайт па энмадсайт. Сикуш кашң хоттэдан ар няврэм ус. Ситы си усат. Ход ияха, нэмодты ант аратыман, ант тэрасьман энмидысат. Там лопасан потрэм юраң, ойң па вещкат ханты нэңие эдты тудэм. Нэмад — Евдокия Леонидовна Салтыкова.

Энмам порайд

Евдокия Леонидовна Мужи вошан уд. Удапсайд эдты симась потар тус: «Ма Дорвош пунадан Ванты куртан сэма питсам. Аңкаңкеман энмадсайм. Дув си порайн Катравошан ус. Асеман тохи тусайм, хоты нэрыты. Муй сирн ведси сэма питам няврэм икия утся энмадты. Кат хатд довата туп йисам, аңкем антома йис. Мин кат няврэм сэма питсаман. Ходна ёх апси ус. Дув па антома йис.

Аңкем шуңат Ирина Яковлевна Салтыкова ус. Асем Леонид Васильевич Шиянов. Ма ай пора эдты мушаң няврэма усам. Ашкудайн ант утадтысам. Ихосьяң тадан туп шушидыты питсам. Пулңавт вошан леккар хотан удмем порайн, ура версам, си порайн нох дойсам».

Ой таңха тайс

Потар туты имиев си порайн худамхосьян тад доват эви. Леккар хот эдты Ёханова туса, ныйд хося энмас. Си тадатан шеңк падтап вер эвиев пидан тыйс. Ма нумасдам, мосаң ситы мосас. Турмадан шависа таңха, вантсады, хоты няврэм шукащас. Ханты нэңие сит эдты ситы ястас: «Имодты сусан ныеман сан сэңкты унта тусайм. Ходна кат нэ мин пидэман ус. Ма русь нэңем пидан унтан хасьсаман. Шеңк хува таңха мантсаман, тапсаман. Тыдась шуп унт хуват яңхсаман. Пом хот версаман. Хув каншсайман. Сит эдты си порайн амодты газетайн ходна ханшман ус.

Унтан удман, имодты хатд нох вердасам, ма пундэман апсием ики одад, манэм ападмамад. Ма ходна няшидад, катдэпад вантсаддам, ёшан кетапсадам.

Си хатадан русь имем хот щуңан омпсас, шеңк такан юхан сәңктад әдты нох вердасам. Ма ёхды нюхмасам: «Муя сикем такан кумрэмадан, ма яма худдам». Си едпийн ма ант потартсам, туп атэд ясңат тах-

рамтыман этдысат. Си порайн си яма потарты питсам.

Адаңсахат апсием ики антом ус. Мин дув кадтамдад хуват мантсаман, хар тахая этсаман. Си хатадан мин уятсайман, вертолётан Дорвоша тусайман. Русь имем таңха охад атма йис, карты шуп шиядамадан унт педа хухадмас. Тохдаңхоп ишни эдты вантмеман, апсием ики юхат кутан шиядасэм. Дув минэма нэмодты атом ант верас».

Там пора удапсайд

Ин ханты нэңиев Мужи вошан уд. Там удты удапсайд эдты па каматса ясаң верас: «Ёханован ярхус тад



унты усам, нянь верты хотан нянь верман рупитсам. Си юпийн Мужия мантсам. Пенсияя манты едпийн леккар хотан санитаркая усам. Кат няврэм тайсам. Йи пох, йи эви. Ин туп эвем хасяс. Мужийн уд, леккар хотан дэтот каварты нэңа рупитад. Дапат хиды па кат хилы няврэм тайлам. Хол

энапсат. Кат хидэм армияйн удданан, худмет отэм тампуш Пулнавта утадтыты манас».

Сак эдты хорамат верад

«Ай пора эдты шеңк сак эдты хорамаң пормасат верты дытсайм. Нэмодты хоятан ант утадтасайм, вантсам, хун аңкаңкем, ныйм вератсат. Ар хорпи саклакат, ханшет картылысам, тынысам. Ин шимал верлам, сэмдам вевтамат. Верылыйм пормасдам вантопсаятан эталтысайт, Пулнавта китылысайт. Одан тахая ходна этлысам. Дорвош нэната сахата сак ханшет картылысам. Вантлам па самен аматал, муй хорпи хорам ханшан сахатан

Эвем па ханты ернасат ёнтад, ханшаң сохам эдты няврэмдада сохат сэвад, сак эдты пормасат каратад. Армияйн удты ун хидэм хут тад эдты сак каратты питас. Ма хосяем ус, вантас, хоты ма вератдам.

нэңат шушилылат.

Там порайн нэңат сак эдты ар хорпи хошапат, телефон понты, нэңат тайты хирыет вердат. Ма па симась пормасат айшукиенан вердам», — саман тайты рупатайт эдты тамиты ястас.

Евдокия Леонидовна, едды педа тумтака уда, эвенан, хидыданан шавиман ат тайдайн. Тумтак ёш, тумтак кур!

Альбина Тырлина ханшам потар



Евдокия Леонидовна Роман ай хидэд пидан.



Ямал мувна 2026-мет тал тумтак олапсы Талды постаса

Ямал мув губернатор Дмитрий Артюхов 2026-мет тад тумтак олапсы Талды постасды. Йиты тад педа ар ропата верты вер ол, медицинской инфраструктура алнищ тута, леккарат квалификация вудамта, касты харат па камн сот просветительской проект верта.

«Номас понтсу, Ямал мувна 2026-мет тад тумтак олапсы педа постадэв. Касң нэңху оранна щит мет масты вер. Тумтак олапсы - мет водаң тащ, савита масд. Итта план верду. Мет такан леккар верат пидна ропытта питду: йидап леккар хатат аматду,



ропытты леккар хататна карра Ямал мув губернатор Дмитрий пормасат пидатду, леккарат Артюхов лавас. квалификация вудамду», -

Ямал мув губернатор пресс-

служба лавты ясаңна, тумтак олапсы Тал программа верты ораңна, дув мули нэңхэт пидна уйтантыйд. Пулңавт нявремат сэмна питты хатна яңхас, амэт пидна потартас, леккарат.

Щи томпына леккарат пидна уйтантыйс, хой «Врачи, нужные Ямалу» программа хуват ты ропытта ёхтас. Папус акушергинекологат Москва вас Кадровой центра китдайт. Хыщам кат тад сыс щита мули 200 терапевт па няврем леккар стажировка мантсат.

Йидап йиты 2026-мет тадна Тарко-Сале, Коротчаево, Тазовской па Горкина йидап леккар хатат пунсты вер ол, па хут касты хар.

«Семья Ямала» пидтащиты хар пуншса

Касң тал манты муниципальной этап «Семья Ямала» пидтащиты хар пинтщас. Щи ораңна вахлайт хаттэдат, хой волонтёрской па патриотической движенияя пилтащийл, вас олапсы ванна тайд.

Касты хара пидтащиты хаттэдат организацийт, предприятийт па общественной объединенийт китта веритдат. Нэңху эдты щи ораңна масд Россия гражданство тайта па иёлты Ямал мувна олта, нявремат энмадта па маса хой мули нявремдад энамсат.

Йидап йиты тад эвадт округ водан хаттэд пидтащиты хара ёң номинация эттала. «Ар нявреман хаттэл», «Энамты хаттэд», «Династия года», «Амыдыащиды хыщам нявремат энмадты хаттэд», «Преодоление», «Золотая семья года», «Мет касты хаттэд», «Творческой па Сельской хаттэднан», тампус холна «Семья Ямала» хоща «Семья защитника Отечества» номинация лонал.

Касң муниципалитет эвадт йи хаттэд пидтащита веритад. Алаң этап ай кер тыдащ 1-мет хатд маса манта питд. Нох питам хаттэдат нэмат Ас нопатты тылащна лавдайт.

Там пидтащиты хар округна 2014мет тал эвалт верта питса. Катхощъён тал сыс 475 заявка китса, дув эвалтыдад 73 хаттэд лауреата йисат. Касң нох этам хаттэл катсат ветъёң щёрас содкува сытад.



Нёха дэщатты пора пинтщас

Ямал мувна основной этап убойной кампания пинтщас. Тампус аратэдна хутхощъёң убойной комплекс ропытта питад. Аса мули нёха вуты педа дэщатсайт: масты арат тут йиңк па ропытты пормасат тусайт, кадаң вастаты график верса.

Тампус холам щёрас ветсат тонна кадаң нёха дэщатты вер ол - туняд 3281 тонна ос, щитна тампус план еса вудамса.

«Хыщам тадат педа вантман ки: муң нёха дэщатты ропатаю сэңк ямас манд, ёвра тащ савиты ях ищи ямас нёха

мадат. Муң пидэвна контракт хансты тащ мет арамас, щи Андрей Рубашин лавас. ораңна округ правительство молтас охат мад, щи онтасна, муң веритду ёвра тащ тайты хаттэлат охна сохаптата», -

Убойной кампания Ямал мувна унт дор тыдащна Кев сыд МУП «Паюта» комплексна пинщас. Лув Обская-Бованенково



ЯНАО АПК департамент коща ёс сыдна лайд. Щи онтасна нёха дэщатта щита мет адаңна

> Основной этап Ас потты тыдащна пайса. Алаңмет хатдатна мули Ямальской районна кат комплекс ропытта питас -Яр-Сале па Юрибей факторияян, щилта Сеяха комлекс пунсла. Тазовской район комплексат ищи пунсантсат, Антипаюта, Гыда па Тазовской.

Пуровской, Дорвош па Надымской районатна, заготовка холна ант пинтщас, щита ёңк ямас патты лайдда.

Вера Лонгортова хансам потрат

Ляль порайна кадаңат сэңк ямас нятсат



Водаң Ляль олмад порайна, Карельской йирна, хонты Мурманск немщат эвадт катса, мет вуд нятап советской Красной армия ораңна кадаңат версат. Дув ищадт ант мантсат, ханя ропытсат. Ас потты тыдащ 1941-мет тадна Карельской фронт 14-мет армияя, кадаң охлаң ротайт акатта питсайт. Аратэдна ор ях округ па Саран республика эвадт ёң щёрас кадаң, щёрас нидсат кадаң нэңху па кат щёрас охал китса.



хатэд иты хассэд. Дув щимащ ёс мощатта веритсат, хата нэмоса ант ныда, артадата, хата ланьщ идпина так мув, хата тув лат. Ат халты таха щиты пирысат, хата ват ант хайд, вай ведта па мур тэд дапатта».

Водаң Ляльна нятам шимдаң мир нэңхэт эвадт, топ камантсы нэм нэпекатна хыщман ол. Дув



Тадан-дуңан кадаңат ропытсат.

Нэңхэт эвадт актам эшелонат па кадаң охлат камн сот километра тадан-дуңан масты таха маса дув ёрэдна ёхтаптысат. Сэңк ар таха, хадща машина манта ант веритад, дов ищи куд ланыщна курдад щи ёвардадат. Топ кадаңат охлы тэдна хадща аса манта веритсат: дытыт, патрон, почта, сэңк масты айкедат ёхтаптасат па нялна хайм нэңхэт ханя тахайна тусат. Кадаң охална дэвасы нэңху яңхта ант хасас, топ муң шоши мир нэңхуду.

Лялесты яхна щимащ эшелонат «аңтаң батальон» па «овс мув танка» адщисайт. Вуракатна па «хаттар исхорры» лавадтсайт, мув идпы эвадт этмед па нави ланыщ кутна тапмед хорпи. Кадаң охална ланыц хуват холамсат килограмм пормас тута веритсат ёңк хуват па ветсат килограмм йи охална дэпас.

Кадаң охлатна ид корыйм советской тохдаңхапат канссат па лётчикат эдты нятсат. Тохлаңхапат ищи ант хыйсаддад, аратэдна, ляль манты сыс 162 тохлаңхап лялесты харат эвадт тохы тадса. Нэпекатна холна тамащ вер ханмсан ол: такан ляль манты тахайна кадаңаң охална нымад эдты аматман «Катюша» машина тадам.

Кадаңат онтасна мет хувн олты тыл эвадт, ляль сыс 10 142 мосмадтам содтан тувам. Ляль

педа па кадаңаң охлат онтасна нийд щёрас нэңху па дапатхощъён щёрс боеприпас тадам.

Лялесман тайты

пормасдал ищи калаң

охална тадлисдад.

Щи порайна, лавдат па, Натаң район эвадт Оборона Фонд ораңна нид щёрас молтас кадаң китыдыйм. Ант хормед, дыдаңтат китмед. Щиты номасман ки, маса там кадаңат Кольской пухарна китсайт па щиты ямас нятсат?

Анта топ ныса хоты кадаңат ляльна ямас нятсат, кадаңаң нэңхэт па, нэматтыт щиты ор ямас ант хасас хоты шоши шимдаң мир нэңхэт. Ар пелак нэңху дув эвадтыдад: холна ай классат етсаптамед антам, рущ ясаң ант хассат, топ хоты дув овс мув артадасат, торам хорас алңищ лавта веритсат, кадаң охална наврадтысат, нэмоса хата тапты таха ант ощсат.

Карельской ляль манам щир онттам профессор Николай Головкин лавты ясаңна: «Овс мув шоши мир кадаңаң нэңхэт ор дув



Саамат ай хап хорпи охлат тайсат, куд ланьщ хуват ид ант тахрад.

Щамды питам кадаңат корты ёс хуват китсайт.

кутдадна — Иван Батако, ор ях, фронт маса кадаң охална 150 пус яңхмад, Пётр Галкин, саам, катсат молтас нялна мосмадтам нэңху фронт эвадт леккар хат педа тувмад, Николай Рочев, саран, охладна 8 тонн боеприпас передовой маса ёхтаптамад.

Щи пора командират лавилымед: «Щи нэңхэт майдапсы пущци ант номассат, нэмоса вуд нэм дувидад ант масас. Дув щит версат, мала мет ямас хассат — кадаң охална яңхсат. Ляль порайна щи хасапсы, камн сот нэңху лыль нох тадас».

Топ ляль нэматтыт ант щалитас. Ляльна китам ёң щёрас кадаң эвадт, век сымад хыщмад. Ар кадаң нял, паханты пормасат, толхлаңхап эвадт ласкаты бомбайт па хощ корыман ар халмад.

Ар тад кадаңаң нэңхэт верам ропата пущщи сэңк ант потарса. Ар пелак верам ропатаед ханя вер ос — сар нэңхуна ощта ант массайт, рущ ясаңна ки лавман — засекречено.

Щи верат пущци историкат па айкед акатты нэңхэт 1970-мет тадатна потартта питсат. 1977-мет тадна па Мурманск васна мет алаң кев хор шимдаң мир нэңхэт па кадаңат ораңна аматса. Щи кев хор эдты тамиты хансман ол: «Карельской фронт оленетранспортной батальонат ораңна, ками сот нэңху лыль нох тадмед па Победа ванамата нятмед ораңна».

Вера Лонгортова хансам потар

Дуй падаткем кат похлэңки, паң падаткем кат похлэңки

(Одаң шупад №46 газетайн дуңтадн)

Щиканща дуй падаткем кат похлэңки, паң падаткем кат похлэңки опан имийн кинамтак дахарн думаттасайнан па тух овдад вуды донатн такан лап ёнтсайнан. Дахарн апщенадал думтам юпийн, опи щиты дынана ястас:


— Щуваш, айдта едды удатан! Нёдаң вура, юхдаң вура питдатан ки, иса куртасдатан ки, апщен ма хощаем киты! Кев хот шанш педа дув ат манад. Щита ващ юшие шиядад. Щи юш хуват едды ат хухадмад па йи курпи допаса этмад. Допас кур юхад одаңан, нёд тай одаңан такан ат хатщад па щиты ат ястад: «Опие, опие, одаң юхад однем, одаң нёд тай однем едлы олты!»

Щи ясаңдад юпийн ин опан щи манас.

Имодты кутан меңкат щи ёхатдат. Ин ай похлэңкет пидн нёдаң тарна, юхдаң тарна щи питдат. Хатд шупкем дын ляляссанан па ин меңкат ид щи паватсанан. Щи юпийн похлэңкенан щиты хоты едды щи удданан.

Кимет меңкат ёхаттыйн, па щи нёдаң тарна, юхдаң тарна ай похлэңкенан дув пиддадн питданан. Тадаң хатд ляляссанан па меңкат ид щи паватсанан. Щи юпийн похлэңкенан щиты хоты едды щи удданан.

Худметн па мет ун карты эдаң меңкат ёхатдат. Хув муй ван кут ай похлэңкеңан дув пиддадн тарандысңан па кат меңк ики туп ид паватсаңан. Худмет отад нёдн ант ханда, адты кешийн



«Опеман хоща хухда-сары, иса мин щи куртассаман!» Ай педа удты похлэңкед кев хот шанша манад па ващ юшие

Аи педа удты похлэңкед кев хот шанша манад па ващ юшие шиядад. Щи юш хуват дув йи курпи допас унты ёхатд. Щадта допас кур юхад одаңан па нёд тай одаңан такан хатщад па щиты ястад:

Опие, опие, одан юхад однем,
одан нёд тай однем едды одты!

Щиталн ювам юшал элты ёхлы педа щи карэмал. Ляль хара ёхатталн, яйл меңк икел ил щи паватмал. Ин опел имийн, ванта, хув кут элты ялап юран китлайнан. Кат похлэнки меңкат охсохат нох хорэмалнан па ёхи шушмалнан.

Кимет муй худмет атан ин опан па щи дын хощайн доңас. Дув дахар тух овдал нох хантсады па карты эдты верам сохат нох эңхсады. Дод худ сыс дын хадыдысңан, потам худ сыс дыдаңдысңан. Опан имийн эддын лёхитсайңан, япсыена дэщатсайңан, щадта щиты ястасайнан:

– Щуваш, Най-Уртан тайдайты! Тадта едды нэмодтыйн нэмодты ходща ант йидайтан!

Щи ясаңдал юпийн опан ими ед щи манас.

Дуй падаткем кат похлэңки, паң падаткем кат похлэңки тамхатд унты дор ваншаң, Ас ваншаң мув нёдадн япсыена удыдыднан, тыед-тохед шушидыднан па, катра иты, Ай Ас педа щиты щи худантыднан.

Владимир Енов ханшсалды

Рут ратхар питарн

Кашң вуды шавиты семья тащ хотн

ул. Шимаш хот шенк сора верты рахад. Вуды хот нэ хоятан верда. Ур хот касалты порайн донщда па дыпи пормасан туңащира дэщатда. Хошам ураңан юх сэварда, йинк туда.

Вуды хот нэ ёшан ант ки дэщатда - щи хот шенк потам, ищки. Щишан аңки мет тюпаң, хошам, дэпат ёшат па сам тайд. Дув хот дэщатад, сох ёнтал, дэтот верал, няврэмат энмадтад. «Тыхад» ястаты рахад. Щит вуды ур хот, хота сэма питсан па энапсан.

Ур хот хольман модтас ул эдты верман уд. Емаң сыпсы

тайд. Кутапан кат кий ярман тайда. Кия сох сорадты тахарда. Емаң муд таха кут хоятан шоппи вуншты ант рахад. Аңки ястад: «Ем, шанш кашия йид!»

Ур хотан кат пелак кат семья уд. Кат пелак норы дэщатман - одты таха. Ха-



хират, сахат, лаңкасыты сохат па тахтэт. Кат пелакан хотхар сохдат оддат. Идта па дэпас пондат, сишн ищки порайн,

шеңк хошам.

Мул шунан лэты пасан омасал, шай даращ анат пидан па дэты отат. Шай йинщты пасан, дэты порайн, тут хар сыда нык оматда. Шай йинщты юпийн, мохты анат нох вудайт па пасан вутлы оматла. Мул щуңан холна ёх хоят па ёх няврэм пормасат уддат: модщаң, ёх вайт, тупрат, антапкед, ур хыр ёх эд сохат пидан.

Ов хар щуңан сорам юх пай одал. Щадта нэ вай хир, па нэ тайты пормасат ов щуңан уддат.

Аңки ёнтасты тучаң. Дув ёшдад хорам ханшет ёнтдат. Ма апщем пидан аканян

Ур хот кутапан ратхар. Тад порайн кар-



№ 47 (1298) Ас потты 22 хатд 2025 тад

ты кур омасал. Шайпут кавармас. Ащем ёхатал па яха шай йинщты омасдув.

Ур хот дыпийн ям, хошам, хун аңки хошам ёшат иса тюпаңа вердат. Ма иса аңкема нётдам!

Дарья Серасхова, Питдор.





Газета «ДУХ АВТ»

.:X;X:X;X:X;X:X;X:X;X:X;X:X;X:X

Адрес редакции: 629003, ЯНАО, г.Салехард, мкр. Богдана Кнунянца, д.1, каб.106 (34922) 4-68-63

> E-mail: luh.avt@yamal-media.ru

Учредитель

Департамент внутренней политики Ямало-Ненецкого автономного округа (629008, ЯНАО, г.Салехард, пр-кт Молодёжи, д.9, каб.708)

Газета зарегистрирована

Управлением федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО 19 апреля 2012 года Регистрационный ПИ № ТУ72-00558

Тираж 1300 Заказ 1595 Подписные индексы: ПА700, на полугодие - ПР561

№ 47 (1298) Газета вышла в свет 22 ноября 2025г. Подписано в печать 20 ноября 2025г. по графику: 16.00 фактически: 16.00 Газета выходит по субботам

Цена годовой подписки 88 руб., в розницу не распространяется

Издатель Департамент внутренней политики ЯНАО

(629008, ЯНАО, г.Салехард, пр-кт Молодёжи, д.9, каб.708)

Отпечатано в АНО «Ямал-Медиа» Оридический адрес: 629003, Ямало-Ненецкий автономный округ. г. Салехард, мкр. Богдана Кнунянца, д.1, каб.106 Фактический адрес: 629007, Ямало-

Главный редактор Яковлева Аллина Кирилловна

И.о. генерального директора AHO «Ямал-Медиа» Чигиринова Елена Константиновна

Ненецкий автономный округ, г. Салехард, ул. Чубынина, д.39A